



Sjálfbærnistefna Arion banka í tengslum við norðurslóðir

Júní 2023



Sjálfbærnistefna Arion banka í tengslum við norðurslóðir

Arion banki leitast við að starfa með aðilum á norðurslóðum sem stuðla að uppbyggingu og vexti svæðisins og viðhalda á sama tíma náttúrulegum gæðum til framtíðar.

Við viljum starfa með þeim sem sýna ábyrgð í nýtingu auðlinda og stuðla að verndun og endurheimt lífríkis á þessu mikilvæga og jafnframt viðkvæma vistsvæði. Við leggjum áherslu á að viðskiptavinir og samstarfsaðilar dragi úr losun gróðurhúsalofttegunda, með það að markmiði að ná kolefnishlutleysi fyrir árið 2040, eigi síðar en 2050.

Við viljum starfa með þeim sem virða mannréttindi, stuðla að jafnrétti og leggja áherslu á góða og vandaða stjórnarhætti.

Við hvetjum alla okkar viðskiptavini og samstarfsaðila til gagnsæis varðandi frammistöðu í tengslum við umhverfis- og félagsþætti og stjórnarhætti.





Arion banki og sjálfbærni á norðurslóðum

Við hjá Arion banka viljum vanda til verka og leggja okkar af mörkum til sjálfbærrar þróunar. Við leitumst við að eiga í viðskiptum við fyrirtæki sem deila þessari sýn okkar. Við leggjum ríka áherslu á umhverfis- og félagsþætti í okkar starfsemi og góða og vandaða stjórnarhætti. Við eigum í víðtæku samstarfi á sviði sjálfbærni og samfélagsábyrgðar, bæði innanlands og alþjóðlega, og erum aðilar að fjölmörgum sáttmálum og yfirlýsingum á því sviði.

Arion banki styður Heimsmarkmið Sameinuðu þjóðanna og hefur valið sex markmið sem bankinn leggur megináherslu á. Markmiðin sem unnið er sérstaklega að eru markmið 5 um jafnrétti kynjanna, markmið 7 um sjálfbæra orku, markmið 8 um góða atvinnu og hagvöxt, markmið 9 um nýsköpun og uppbyggingu, markmið 12 um ábyrga neyslu og framleiðslu og markmið 13 sem snýr að aðgerðum í loftslagsmálum.

Sjálfbærnistefna Arion banka í tengslum við norðurslóðir er í takt við áherslur bankans og skuldbindingar á sviði sjálfbærni.





Hvatning til fyrirtækja og samstarfsaðila á norðurslóðum

Nauðsynlegt er að grípa til aðgerða til að sporna við hnattrænni hlýnun en áhrif loftslagsbreytinga hafa þegar haft neikvæð og óafturkræf áhrif, ekki síst á norðurslóðum. Arion banki hvetur fyrirtæki á þessu mikilvæga svæði til að hafa ávallt hag umhverfis og samfélags að leiðarljósi og byggja jafnframt upp góða og vandaða stjórnarhætti sem einkennast af jafnréttismenningu og virðingu fyrir mannréttindum.

Dæmi um jákvæðar aðgerðir:

- Draga úr losun gróðurhúsalofttegunda og standa við skuldbindingar í tengslum við Parísarsamkomulagið
- Setja mælanleg markmið og aðgerðaáætlun um samdrátt losunar gróðurhúsalofttegunda og birta jafnframt umhverfisbókhalda
- Auka hlutfall endurnýjanlegra orkugjafa í allri starfsemi
- Draga úr óbeinni losun gróðurhúsalofttegunda svo sem í flutningi, umbúðavali og meðhöndlunar úrgangs
- Vinna að því að fá eða viðhalda viðurkenndri umhverfisvottun
- Fjárfesta í vistvænni tækni og búnaði eins og kostur er
- Aðgerðir sem stuðla að viðhaldi og endurheimt líffræðilega fjölbreytileika
- Aðgerðir sem sérstaklega er ætlað að styrkja dýrategundir sem eru í útrýmingarhættu
- Endurheimt náttúrugæða og landbætur
- Kolefnisjöfnun á starfsemi
- Virkar mengunarvarnir, forvarnir og eftirlit
- Tryggja dýravelferð
- Vinna að og styðja við nýsköpun í átt að grænna hagkerfi
- Sjálfbærni í allri verðmætasköpun
- Leggja áherslu á heilsu og öryggi starfsfólks
- Vinna að auknu jafnrétti
- Sporna gegn spillingu og mútum
- Virða kjarasamningsbundin réttindi starfsfólks og rétt þeirra til að vera aðilar að stéttarfélögum
- Virða mannréttindi
- Sýna ábyrgð í allri virðiskeðjunni



Farsælt viðskiptasamband

Við viljum styðja viðskiptavinum okkar áfram til góðra verka og byggja upp sterkt og gott viðskiptasamband. Til að stuðla að vexti viðskiptasambandsins teljum við mikilvægt að fyrirtæki í viðskiptum hafi ekki neikvæð áhrif á fólk eða náttúru.

Dæmi um þætti í tengslum við norðurslóðir sem gætu haft neikvæð áhrif á viðskiptasambandið:

- Brot á mannréttindum
- Mengandi umhverfisslys á vegum fyrirtækis og/eða í aðfangakeðju vegna vanrækslu
- Spilling og mútur séu viðhafðar af hálfu félags
- Veiðar á dýrum sem eru á rauðum lista IUCN (*IUCN Red List*) og eru metin í útrýmingarhættu



